



Aqqalu C.Jerimiassen
Atassut

UKA 2023/16
4. oktober 2023

Akileraruserinermik ingerlatsineq pillugu Inatsisartut inatsisaata allannngortinneqarneranut Inatsisartut inatsisissaatut siunnersuut

(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)

Saqqummiussissutaasup atuareernerani, Atassummiit neriutigiinnarparput, inatsisissatut siunnersuut ima ittoq allaffissornerunermik pilersitsissanngitsoq.

Arlaatigummi nalunaartussaataitanerit allallu saqqummiussissummi eqqartorneqarmata, taakkulu annertusivallaassappata allaffissornerunermik kinguneqaratarsinnaanera Atassummiit aarleqqutigisinnaagatsigu.

Eqqaamasariaqarmammi, naalakkersuisut siulittaasuata ammaanermi oqalugiaataani, allaffissornikillisaaneq pisariillisaanerlu siunertaasut saqqummiunneqareermata.

Taamaamat neriutigingaarparput taamatut una kinguneqassanngitsoq.

Taamatut oqaaseqaateqarluta Atassummiit, siunnersut Aningaasaqarnermut Akileraartarnermullu Ataatsimiitsitaliamut innersuupparput.